

光緒十三年季春月補刊

雅州府志

冊

二

板存府儒學署

雅州府志卷之二

星野

周禮保章氏以星土辨九州之地，所封之域，各有分野。傳雅云在天一度，統地二千九百三十二里，蓋成象謂乾，效法謂坤。古者設諸方，皆仰以觀於天文，俯以察於地理也。梁州之域，惟參是司。雅雖僻壤，其地與星辰四游而升降者，亦無不可以占步而求端於天人之際矣。志星野。

雅州府

禹貢梁州以南之盡境，上分井鬼之次，入參一度。總志

二十八舍主十二州，益州為參分。史記天官志。
巴蜀分井鬼參，又云觜觿參，主益州。漢書

自東井十六度至柳八度為鵠首，又參七度益州八。晉書天文志

劍南道分井鬼唐書

益梓利夔四路分井鬼。又曰東井與鬼鵠首也，盡巴蜀中之地。宋史

岷山之下為井貉，帝以會昌卿以建福言蜀之分野也。牛山張庭曰：井貉即鵠首。河圖括地象帝居房心，決事參代，是為蜀分。華陽圖志

太白金星、紫鎮星主井五車，卿星、弧矢星俱主益州。天文占候

井十度至鬼柳為鵠首。天文次舍

按天文紫微，參之分八參一度。李白詩：捫參歷井於十二次，會屬實，沉於紫微，填入北斗，璣星於天，市垣屬西，第三星於卦屬坤，於辰

屬申。又按竹志：井鬼屬南方，參屬西方，所謂西南之隅，坤維之地。又井八星二十四度，主衆水亦主諸侯、帝戚、三公之位，鬼四星二度，主鬼神祀事，參十星十度，主忠良孝誼。雅屬雖嵯疆，正坤維之環端，豈無分星野之靈，而苞符其間者與。

名山縣

井鬼之分八參一度。

蘆山縣

井鬼之分八參一度。

天全州

井鬼之分八參一度。

清溪縣

井鬼之分八參一度。

打箭爐

井鬼之分八參一度。

建置沿革

郡邑之建置以地沿革以時。雅自古屬蜀國，介處羗夷。秦始置縣，至隋始設雅州。及名山、榮經、蘆山縣，雖前後因革不一，至

皇清雍正七年，陞州為府，又改天全司為天全州，黎大所為清溪縣，並隸府轄。蓋我

朝德威覃被，式廓日增，異俗殊方，咸歸版籍。而經

制大備，疆理攸宜，實超較於前代矣。志建置沿革。

雅州府

古為蜀國。

夏屬梁州之域。

商并梁於雍，為氐羌地。

周以梁合雍，其地為蜀國。

秦徙楚莊王之族以實之，立嚴道縣屬蜀郡。

漢增置青衣縣。天漢四年，分置蜀郡西部。武帝

元鼎六年屬益州。

東漢光武建武十二年，改青衣縣屬漢嘉郡。

蜀漢章武元年，立為漢嘉郡。

晉因之。李雄時廢郡。

宋屬晉原郡。

齊因之。又舊志：宋齊梁無縣，惟推土豪一人為堡主，仍羈縻於益州。

西魏廢帝二年，招集民夷，始置始陽縣，兼置蒙山郡。

唐武德元年，復為雅州，領縣十六。開元二年，置都督府。天寶初，改蘆山郡。乾元復為雅州，屬劍南道。

後唐莊宗癸巳，孟知祥置永平軍節度使。

宋仍為雅州，屬成都路。

元至元中，改屬嘉定路，後改州為碉門、黎雅、魚通、長河、西寧遠等處安撫司，尋改吐蕃宣慰司。

明洪武四年，改為直隸雅州，省州治。嚴道縣入

州，屬上南道。

皇清因之。雍正七年，陞州為府，領州一縣五。

雅安縣

皇清雍正七年，改州為府，因設雅安縣為附郭，故無沿革。

名山縣

秦地屬蜀郡。

漢為嚴道、青衣二縣地。武帝元鼎六年屬益州。東漢光武建武十三年，置漢嘉郡，縣為漢嘉縣。晉仍為漢嘉縣。

魏置蒙山縣，屬蒙山郡。

隋開皇三年，始改為名山縣，屬雅州。煬帝大業

四年，屬臨邛郡。

蒙山古亦稱名山，故以名縣。

唐屬雅州。

五代屬永平軍。

宋屬雅州。

元屬嘉定路。

明洪武四年，省嚴道入雅州。十年，又有名山入

雅州，後復置編戶三里。

本朝因之。

榮經縣

夏商為巴賁地，漢又為氐羌地。

周以梁并雅，為雅地。

秦為嚴道縣地，屬蜀郡。

漢因之。武帝元鼎六年，置益州，縣屬之。
漢按四年，紀天

兩都尉，居牛旋
城，即今縣地。

東漢建武十二年，屬漢嘉郡。

晉因之。永嘉後荒廢。

魏屬蒙山郡。

隋屬雅州。大業四年，改屬臨邛郡。

唐武德三年，析嚴道縣置榮經縣，屬雅州。乾符

初，以縣置金湯軍，後廢。

縣有榮經二水故名。

宋乾德三年，復為縣，隸雅州。

元至元三年，省入嚴道縣。置巡檢。改屬嘉定路。

後改屬雅州。為碉門、黎雅、魚通、長河西、寧遠

等處安撫司，旋改吐番宣慰司。縣地屬之。

明洪武十三年，復置縣。編戶二里。正統中，紫眼、

四姓番民歸化，隸雅州。

本朝因之。

蘆山縣

秦嚴道縣地，屬蜀郡。

漢改青衣縣。

東漢屬漢嘉郡。

晉因之。

西魏生聚日繁，為始陽縣，屬蒙山郡。

隋仁壽三年，始置蘆山縣，屬雅州。大業初，改屬

臨邛郡。

縣有蘆山故名。

唐復屬雅州，尋改蘆山郡。乾元初，改大渡縣，復

屬雅州。五代屬永平軍。

宋仍屬雅州。

元至元中，省入嚴道縣，改屬嘉定路。

明洪武初，復為蘆山縣，編戶三里，屬雅州。

本朝因之。

天全州，古西夷徙都地。

禹貢梁州之南境，古蠻獠地。

商為氏羌地。

漢置徙縣，屬蜀郡。至東漢，屬蜀國都尉。

晉曰徙陽縣，屬漢嘉郡。

宋齊梁土豪迭相雄長，屬益州。

西魏始陽縣地，屬蒙山郡。

隋初郡廢，屬雅州。

唐置始陽鎮，為羈縻州，屬雅州都督府。

五代屬王建，孟知祥土人。高麗閣藏楊夾失朶

兒，俱率眾歸附，置碉門、黎雅、長河西、魚通、寧

遠六軍，氏安撫司，屬雅州。

宋改曰碉門砦，隸雅州。

元初置碉門、黎雅等為宣撫司，屬脫思麻路。至

元二年，授高保四為安撫使，置六安撫司，屬吐番等處宣慰司。又改六番招討司，又分置天全六番招討司。

明洪武初，土酋高國英來歸，并天全六番招討使司，隸四川都司，屬川南部落。六番曰馬邨、蘇邨、金邨、楊邨、隴東邨、西碕邨，凡六邨。

國初順治九年，土司高濟太來歸，仍因明制。天全六番，高氏為正招討使司，楊氏為副招討使司，設經歷司一員於二司內。康熙壬午，楊自唐從征西爐有功，加宣慰使司，隸雅州。雍正七年，廢高楊二司，改置天全州。

清溪縣

古西南夷笮都地，大渡河土千戶所。

禹貢梁州之西境。

秦為蜀郡西南丹犂戎地。

漢初為西南夷徼都侯國。武帝元鼎六年，定西南夷，以徼都為沅黎郡，尋罷郡，置東西兩部都尉。一治旄牛，主外羌；一治青衣，主漢民。並隸蜀郡。天漢四年，省沅黎，以旄牛屬蜀郡，為西南部都尉。

晉初因之。永嘉後，李雄據蜀，以漢嘉、蜀二郡地，分置沅黎、漢源二郡。後復永和中，蜀平，廢漢源，沅黎而置南陰平、晉原、寧蜀、始寧四郡。宋齊并為沅黎獮郡。

後周天和三年，開越雋州，兼置黎州及沅黎縣。尋廢。

隋開皇中，復置沅黎縣。仁壽末，置登州。大業初，

廢州分置溪源縣屬臨邛郡後省。

唐武德元年復置南登州九年廢州為沉黎鎮。後劉雅為二州地置黎州並徙溪源縣為附郭。後廢。開元三年復置。天寶初改黎州洪源郡。尋改溪源郡。乾元初復為黎州屬劍南道。設都督府。督羈縻二十三州。後增至五十州。皆徼外生獠。

五代時前後蜀繼有其地。

宋曰黎州溪源郡屬成都路。仍領羈縻五十四州。

元屬吐蕃等處宣慰司。

明洪武八年省溪源縣改黎州長官司。十一年以土司馬苟德征討有功襲授黎州安撫使司並置大渡守禦千戶所。萬歷二十一年以

馬新授降，襲土千戶職事，附銜大渡河所，隸四川都司，屬川南道。

國初因之，以馬祿歸，襲職土千戶，爲布政司。設黎州大渡河守禦千總，黎大所隸雅州。雍正八年改所置清溪縣。

打箭爐

皇清雍正八年新設，分駐打箭爐、雅州府同知汰驛丞，歸併同知管理。

雅州府志卷之二

疆域

自畫野分州，而井田封建各有經緯，若網在綱。洎後改設郡縣，厥有道、路、部、省、府、州之更易，分隸各殊而陟跡彌遠，今則重譯咸賓，遐荒為聞。凡有血氣，莫不尊親，無復區域之分矣。雅屬之舊設新改，因地以制宜者，更可以觀方輿之盛，疆理之盡美焉。志疆域。

雅州府